

Aktuelles ausn Vorein

Unner Ausfahrt mit de Lang-Reisen im finfezwanzicher Gahr:

Unner Antina hat wie immer gut vürgearbit un mit ne Herrn Lang ieber vorschiedne Reiseziel debattiert. Do gings z.B. bis nooch Thieringe, (Eisleben, Zella-Mehlis, Erfurt). Oder aber aa nooch Leipzig.

Des Ganze wurd dann inner Vürstandssitzing ausgiebich beredt un mir kame zu den Schluss, des nooch Thieringe de reine Fahrzeiten ze lang wärn un die diesgährliche Busfahrt in Sachsn bleibn söll, also uns lieber nooch Leipzig fiehrt.

Dort gib'ts meh intressants aazesah, do is bestimmt for jedn wos dorbei. Esu sölls neins Panometer Leipzig gieh, mit norn riesingn Rundbild.

Dann gängs zen MDR mit Mittogassn, norn Schwenkers bis zen Völkerschlachtdenkmal.

Un dann zun MDR mit nor richtign gutn Studiotour!

Des is garantiert unnerhaltsam, do derft ihr gespannt drauf sei! Dor Termin stieht fest:

Sunntich, ne 05.Oktober 2025!

Allis wettore mit Abfahrts- un Aakunftszeitn wern im nächstn Blattl ausfierlich ogedruckt.

Also: Termin gut merkn un in eire persönliche Planing aufnahme!

Bleibt alle gesund und freit eich erscht emol aufn Sommer un noocherts aa ofn Oktober zur Busraas!
Eier Schmidti un dor Vürstand



FAHRDIENST

Wer am 12.06.2025 abgeholt und auch **wieder nach Hause** gefahren werden will, der möchte bitte bis 14:00 Uhr anrufen:

Uta Schmidt Tel.: 2395



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blattl



Nummer
243

Mitteilungsblatt des
Erzgebirgischen Heimatvereines
Eibenstock e.V.


Juni
2025



Des is dor Wurzlruði for unnern Bürchermaster!

De Sau ~ Nacht

Wenn iech als Boss ging of de Freit,
hielt iech's gern mit ner Bauersch-Maid,
mei Grundsatz war fei allezeit:
je dicker is Maadl, su dick aa de Freid...I
Su hatt iech in Carlsfeld aa emol
- wu aa paar Bauern sei -
e Maadl gefundn nooch meiner Wahl,
gar rund un wunnerfei.
Iech schwenkt se fein im Tanz rundim,
e Spass war des grad net, kennt ihr glabn,
do dacht iech noch lang net mit dare ze liebn,
un doch - iech schafft se eham.-
Bei ihrer Haustür stand iech im Schnee,
do saate se: „Waßte wos,
mor genne eweng ofs Kannapee,
do macht die Sach meh Spaß!“
Natierlich war iech do glei dorbei
un ließ miech blind vorfiehrn,
vor lauter Liebesolberei
tat iech ihr List net spiern.
Kaum war iech mit ihr drinne in dor Stub
un machts mir schu bequam,
do pochts im Huf rim -klupp-klapp-klupp!
Mir zwee schracktn zam.
Mei maadl saate: „Oh Gott, mach sacht,
hier derf uns niemand sah,
mei Vater kimmt schu vu dor Gogd,
dar drischt uns alle zwaal!“
Mir fuhr dor Schrack bis in de Baa,
mir wursch fei kalt un warm,
un eh iech mirs när hat vorsah,
nohms Maadl miech bein Arm
un zug miech aus dor Stub geschwind,
erscht durch nen finstern Gang
bis endlich ganz dohintn
mir warn im Stall gelangt:
E Kuhschwanz flackt mir ins Gesicht,
de Fieß, die stacktn im Mistgemisch,
doch is Maadl saate: „Mensch zuck diech nich,
mei Vater is su wüterich!“
Na gut, dacht iech, des gieht vorbei,
iech lies is mit mir geschah,-
se schob miech in e Kasterl nei,
hier kennt miech niemand sah.
Un zärtlich saate se: „Wart hier ob,
bis driebn de Luft is raal!“



Wir gratulieren unseren Heimatfreunden

Christine Baumgärtel am 02.06. zum 76. Geburtstag
Johannes Punk am 09.06. zum 93. Geburtstag
Ralf Möckel am 22.06. zum 60. Geburtstag
Lieselotte Heymann am 25.06. zum 93. Geburtstag



Wir begrüßen ganz herzlich Christine Schubert
als neues Vereinsmitglied

*Es ist eine Krankheit der Menschen,
dass sie ihr eigenes Feld vernachlässigen,
um in den Feldern der anderen
nach Unkraut zu suchen.*

- Victor Hugo -



**3. Eimstocker
MUND-ART-TRAFFN**
am Donnerstag, ne 12. Juni,
18.00 Uhr
im Q - Stall
mit vielen guten Gästen

Willkommen zum
Grill-Futznobnd
mit Musik
am 03. Juli, 18.00 Uhr
im Imbiss an dor
Vudlstoß!



De alte Ficht

An Kreuzweg stieht e alte Ficht
vun lange Wuchs, Äst un Gewicht.
Die stand wuhl schu vu jene Gahrn,
wu an uns noch net ze denkn war.
Un wenn die erscht dorzähl'n kennt,
des nähmt heit un morgn ka End.

De Bargleit sei vorbei gelatscht,
die ham ball des, ball jens getratscht,
vun gutn Gahrn un großer Nut,
un wos mor su dorzähl'n halt tut.
Ja, mannichsmol ham se enn gebracht,
dar hat sei letzte Schicht gemacht.

'ne Wildschitz hat se lauern sah
in finstrer Nacht su ganz allaa.
De Pascher sei vorbei gestiegn,
mei Ficht hat aber still geschwiegn.
Denn jedis Waasn will doch labn,
drim hat se jedn gern vorgabn.

Se hat beschitzt su mannichs Gahr,
wos allis nár bedürftich war,
Grenzgänger, Färschter, Holzleit aa,
un wos mor nár bedenkn ka,
vor Sunneschei, vor Wind un Regn,
ja, su e Baam, des is e Segn!

Un itze hat se an ihrn Stamm
zwee Tafln racht schie beisamm.
Do Stieht dor Wag ganz deitlich dra,
des kaaner siech vorlaafn ka.
Su dient de Ficht in darer Zeit
sugar noch eich, ihr Wannerleit!

von Heimatdichter Hans Soph



Iech härt e Schnapper machte „Schnapp!“,
un dann war iech allaa....
Iech lauschte in die Stille nei
beinah hätt`s miech gegruslt,
iech härt`s kimmt jemand zur Haustür rei,
~ oh hätt iech des gewußt...!~
Vielleicht stackt iech e Stund esu,
vielleicht aa zwee oder mehr,
des Maadl kam net mehr dorzu,
iech ahnt schu e Mallär.
Un wie iech hockt in den Vorsteck
un lauscht su in de Ruh,
do wurds labandich in dor Eck,
is kam wos of miech zu ~ ~ ~
Is grunzt un schnurrt un schiebt bei mir,
Iech wolft un konnt net schrein, ~
is war e uvorschamtis Tier,
e ganz grußmachtichs Schwein!
Iech huppt zur annern Seit drings na,
des Luder kam mir nooch
un fuhr mir wütnd in de Baa,
des iech in Drack mit log.
De Stallwand hob iech ball dorschlogn,
an dor Tür hob iech gezerrt,
kaa Auswag wurd mir aufgetaa-
iech war hier ~ ~ eigesperrt...!
Su ging des bis zen Morgen hie
mit Angst, mit Kampf un Qual,
mir wankn in den Mist de Knie
zeletzt war mir alls egal.
Do endlich gobs in lautn Knacks,
de Schweinstalltür gob nooch,
iech wankte naus un lief schnurstracks
in hallerlichtn Tog.
De Aagn die warn mir wie geblend,
un doch saah iech genuch:
Des Maadl stand do, winkt mit de Händ:
„Schenn Dank for den Besuch...“
Un wie iech fortrannt durch den Schnee
konnt iech de Schneespur laasn:
e annrer hats Maadl possiert bis frieh,
~ is war net dor Voter gewaasn!
Mir fiels wie Schuppn vu de Aagn,
miech frierts fei heit noch voller Graun,
un nimmermehr hat iech Vorlang
zu su ner Nacht mit aaner Sau...!

Unner Bürchmaster war do!



Zwee mol ham mir des Hutz-obnd-Datum gewachst, aber dann hatts geklappt: Unner Bürchmaster kunnt trotz seiner vieln Terminle ze uns neine „Imbiss an dor Vudlströß“ komme. Zeneechst hat ar uns mit e paar Tabelln gezeichnet, des de Stadt Eimstock ganz schie an Gald ze knaubln hat. Is is aa-



fach zur Zeit ne schwieriche wirtschaftliche Situationsjon in unnern Land un do ham alle Städte un Gemeindn nicht ze lachn – ieberol fahlt is Gald! Unner Bürch is sich trotzdam sicher, des mor mit e paar Eisparinge ieber de

Rundn kumme. Mir missn halt is Beste draus machen un genau ieberlegn, wufier mor de Pfeng nutz n wolln. Dann gobs ja aa noch e paar Frogn un unnern Stadtchef, wie z.B. mit



dor Parkerei bei unnern Voigt-Bäck in dor Faldströß – besonnersch frieh: do wern de Autos ball ieberenanner an de daamichstn Stelln – halb ofn Fußsteich – statt eweng wetter wag ogestellt, ach, do müßt mor doch ze viel un ze weit laafn... Aber wer söll des kontrollirn? Unner Ordnings-



amt? Nu des wird nicht, do kenntn mir uns blus gegenseitich aaschwärzn, oder? De Baame ofn Markt sanne net schie aus, die sei ze viel runnergeschniert wurn, do missn mir halt bis zen nächstn Gahr wartn, bis dohie treibn die bestimmt wieder aus.

Unner Wurzl-Rudi-Bastl-Trupp hat siech en extra Rudi for unner Stadtöberhaupt ausgedacht, des ham mir ihm nooch seine Ausfiehringe ieberreicht, mir glabn schu, ar hat siech do drier

eweng freie kenne trotz dar aagespanntn Finanzlog. Ansinstn wars e recht entspannter Obnd, an de aanzln Tischn wurd in dar ganzn Zeit noch wetter mit unnern Bürch ganz in Ruh diskutiert. Of jedn Fall



wars wieder emol schie, des mor mitenanner berechtichte Sorgen, aber aa unner Zuversicht ieber de nächste Zeit beredn konntn.

E Dankeschön gilt aa wieder an Imbiss ze richtn, es hat wieder allis bestns geschmeckt!

Bis zen nächstn Mol: Glückauf!

- Eier Schmidt

